

EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: DhakaPA@state.gov

WEBSITE: <http://dhaka.usembassy.gov>



সংবাদ বিজ্ঞপ্তি

বিশ্বব্যাংকের সাথে 'ইউএসএআইডি'র ১ কোটি ৩০ লাখ ডলারের বৃহৎ চুক্তির আওতায় ৯০ লাখ ডলারের প্রাথমিক অনুদান ঘোষণা

বাংলাদেশ জলবায়ু পরিবর্তন পুনরুদ্ধার তহবিলে সহায়তায়
অন্যান্য দাতাদের সঙ্গে ইউএসএআইডি'র যোগদান

ঢাকা, ২৪শে মে -- যুক্তরাষ্ট্র সরকার দেশটির আন্তর্জাতিক উন্নয়ন সংস্থার মাধ্যমে বাংলাদেশ জলবায়ু পরিবর্তন পুনরুদ্ধার তহবিলে সহায়তা দিতে ৯০ লাখ ডলারের (৫৬ কোটি ৭০ লাখ টাকা) এক প্রাথমিক অনুদান ঘোষণা করেছে। সম্প্রতি বাংলাদেশ সফরকালে যুক্তরাষ্ট্র পররাষ্ট্র সচিব হিলারি রডহ্যাম ফ্লিন্টনের ঘোষণা অনুযায়ী যুক্তরাষ্ট্র আগামী চার বছরে মোট এক কোটি ৩০ লাখ ডলার অনুদান প্রদান করবে। আজ পরিবেশ ও বন মন্ত্রণালয়ে দেয়া এই ঘোষণা বাংলাদেশে 'ইউএসএআইডি' এবং বিশ্বব্যাংকের মধ্যকার দ্বিতীয় অনুদান চুক্তি যা অন্যান্য উন্নয়ন সহযোগীদের সাথে যুক্তরাষ্ট্র সরকারের সহায়তা সমন্বিত করছে। বিশ্বব্যাংকের সাথে এই চুক্তির মাধ্যমে 'ইউএসএআইডি' যুক্তরাজ্যের আন্তর্জাতিক উন্নয়ন বিভাগ, ইউরোপীয় ইউনিয়ন, সুইডিশ আন্তর্জাতিক উন্নয়ন সহযোগিতা সংস্থা, অস্ট্রেলীয় আন্তর্জাতিক উন্নয়ন সংস্থা, ডেনমার্ক দূতাবাস, সুইস উন্নয়ন এবং সহযোগিতা সংস্থার সাথে পরিবেশ ও বন মন্ত্রণালয়ের ১৭ কোটি ডলারের বাংলাদেশ জলবায়ু পরিবর্তন পুনরুদ্ধার তহবিল সহায়তায় যোগ দিয়েছে।

অন্যান্য উন্নয়ন সহযোগীদের সাথে 'ইউএসএআইডি'র কর্মসূচীর লক্ষ্যমাত্রাসমূহকে সামঞ্জস্যপূর্ণ করতে, জলবায়ু পরিবর্তনের হৃষকি মোকাবেলায় বাংলাদেশ সরকারের প্রচেষ্টায় সরাসরি সহায়তা প্রদান করতে এবং প্রেসিডেন্ট ওবামার বৈশ্বিক জলবায়ু পরিবর্তন উদ্যোগ এগিয়ে নিতে বহুদাতা তহবিলে 'ইউএসএআইডি'র যোগদান এক তাৎপর্যপূর্ণ সুযোগ। প্রেসিডেন্ট ওবামার উদ্যোগের লক্ষ্য হলো টেকসই এবং জলবায়ু পুনরুদ্ধারে সক্রম সমাজব্যবস্থার প্রসার, স্বল্প কার্বন প্রবৃদ্ধির বাস্তবায়ন, এবং বৃক্ষ শূন্য ও ভূমি অবক্ষয়ের কারণে কার্বন নিঃসরণ হ্রাস করা।

অনুষ্ঠানে বাংলাদেশে যুক্তরাষ্ট্রের রাষ্ট্রদূত ড্যান মজীনা এবং ‘ইউএসএআইডি’ বাংলাদেশ মিশন পরিচালক রিচার্ড গ্রিন যুক্তরাষ্ট্র সরকারের প্রতিনিধিত্ব করেন। কান্ট্রি ডিরেক্টর এলেন গোল্ডস্টাইন বিশ্ব ব্যাংকের প্রতিনিধিত্ব করেন। পরিবেশ ও বনমন্ত্রী ড. হাসান মাহমুদ বাংলাদেশ সরকারের পক্ষে উপস্থিত ছিলেন।

১৯৭১ সাল থেকে বাংলাদেশের উন্নয়ন সহায়তায় যুক্তরাষ্ট্র সরকার ‘ইউএসএআইডি’র মাধ্যমে ৫শ' ৮০ কোটিরও বেশী ডলার প্রদান করেছে। শুধু ২০১১ সালেই ‘ইউএসএআইডি’ বাংলাদেশের জনগণের জীবনমান উন্নয়নে ১৮ কোটি ডলারের বেশী প্রদান করেছে। এর মধ্যে অন্তর্ভুক্ত রয়েছে পরিবেশ ও জলবায়ু পরিবর্তন তহবিলে প্রদত্ত এক কোটি ৭০ লাখ ডলার। ‘ইউএসএআইডি’ যেসকল কর্মসূচীতে সহায়তা প্রদান করে সেগুলো হচ্ছে -- গণতান্ত্রিক প্রতিষ্ঠানসমূহের প্রসার ও গণতন্ত্রের অনুশীলন, খাদ্য নিরাপত্তা কর্মসূচীর ও অর্থনৈতিক সুযোগ-সুবিধার সম্প্রসারণ, স্বাস্থ্য ও শিক্ষা সেবার উন্নয়ন, এবং অভিযোজন ও স্বল্প কার্বন উন্নয়নের মাধ্যমে জলবায়ু পরিবর্তন পরিস্থিতির সাথে খাপ খাওয়ানো।

=====

জিআর/ ২০১২

ঢাকাস্থ যুক্তরাষ্ট্র দূতাবাসের পরিপূর্ণ তথ্য এবং বাংলা ও ইংরেজীতে বক্তব্য ও সংবাদ বিজ্ঞপ্তির জন্য আমাদের ওয়েবসাইটে <http://dhaka.usembassy.gov> এবং ফেসবুকে www.facebook.com/bangladesh.usembassy চোখ রাখুন।